

عمار مطاوع يكتب عن حقيقة ما تفعله حركة 6 إبريل منذ الانقلاب



الثلاثاء 2 ديسمبر 2014 12:12 م

نافذة مصر :

قال الناشط السياسي والصحفي عمار مطاوع في تدويته له على موقع فيسبوك ، إن حركة 6 إبريل هي إحدى مكونات الانقلاب العسكري في 30 يونيو الماضي، وما تقوم به من معارضة يأتي حسب دور او مهمة خصصت للحركة من قبل صانعي الانقلاب

وأضاف مطاوع نصا في تدويته "حركة 6 إبريل بطبيعتها مش كيان حزبي سياسي .. دي جماعة ضغط .. هدفها توجيه الرأي العام .. أعضائها ما ينفعوش يكونوا وزرا أو محافظين .. وبالتالي فحالة الثورة بالنسبة ليهم صورة لازم يحافظوا عليها .. حتي لو جات حكومة بتبلي كل مطالبهم .. برضه هيكونوا معارضين ليها .. هما شغلتهم ثوار .. وبناء عليه، كان دور 6 إبريل الأساسي في فترة ما بعد الانقلاب، هيا العمل علي تثبيت أركان النظام الحالي .. عن طريق إبراز فكرة (المعارضة) بدلا عن فكرة (الثورة) .. بمعنى إنه تكون ليهم مطالب إصلاحية داخل النظام من غير ما تقترب صراحة من المطالبة برحيل النظام .. عشان كده طول السنة اللي فاتت كان مطلب حركة 6 إبريل الرئيسي هوا إلغاء (قانون التظاهر) .. وهكذا تحول حراك 6 إبريل من حالة (الثورة) علي نظام لحالة (المعارضة) لقانون داخل النظام"

ووجه "مطاوع تساؤلا للقارئ، قائلا : "اسأل نفسك: إيه المبرر اللي يخلي 6 إبريل لحد النهاردة ما تطالبش بالثورة علي السيسي؟ .. ليه لحد دلوقتي ما بيتقالش في مسيرات التيار العلماني كلمة: ارحل يا سيسي؟".

وأضاف "لهذا السبب، لما دعوات الحشد لـ 28 نوفمبر بدأت تاخذ شكل فاعل وكان شكلها هتقلب جد .. سارعت 6 إبريل لعمل مؤتمر بيطالب المصريين بعدم المشاركة في اليوم والتزام منازلهم .. رغم إن مافيش حد دعا 6 إبريل للمشاركة أصلا في اليوم .. وكان فيه دعوات أهم بكثير وفي مناسبات أفضل وكانت 6 إبريل بتتجاهل التعليق عليها".

وأكد في نهاية تدويته على حركة إن 6 إبريل لا تزال جزء من النظام القائم وأحد أبرز مكونات 30 يونيو .. بس بتلعب في المرحلة الحالية دور الثائر الحر .. ومهمتها الأساسية هيا تحويل حالة (الثورة) لحالة (معارضة) داخلية .. والحيلولة دون رفع أي شعار للمطالبة برحيل النظام في صفوف التيار المدني

مضيفا "باختصار .. أي توافق لازم يكون هدفه المطالبة برحيل النظام الحالي باعتباره امتداد لنظام مبارك .. وده في الحقيقة شرط عمر القوي العلمانية ما هتوافق عليه ..

ولو حصل وصحينا من النوم في يوم لقينا قيادات القوي الإسلامية اتفقت مع 6 إبريل علي مطلب مشترك .. فلازم نكون فاهمين إنه المطلب المشترك ده هيكون مجرد تحسين أوضاع أو هامش حريات .. لكن القوي العلمانية في مصر لا يمكن تشارك في "ثورة" صريحة ضد النظام الحالي .. وشكرا".